



UNIVERSITÄTS-  
BIBLIOTHEK  
PADERBORN

# **Cogitationes, Sive Considerationes Christianae Pro singulis Anni diebus**

Complectens Aprilem, Majum, Junium

**Nepveu, François**

**Monachii, 1709**

Dies 6. Octavæ. De obstaculis. quæ consilijs Christi in S. Eucharistia.

---

[urn:nbn:de:hbz:466:1-60514](https://nbn-resolving.org/urn:nbn:de:hbz:466:1-60514)

Iunius.



## DIES VI. OCTAVÆ.

De obstaculis, quæ consiliis  
Christi in sanctissima Eucha-  
ristia ponimus.

## I.

SI magna illa prodigia, quæ Christus in sanctissima Eucharistia patrat, è desiderio ad nos veniendi, argumentum sunt, eum grandia concepisse consilia, tunc modicum illud, quod post tot molimina in ea operatur, ostendit, nos gravia ipsi obstacula ponere. Videtur homo disceptare cum Deo, ei que ostendere velle, repugnantiam suam potentiae Dei, & ingratum animum ejusdem bonitati prævalere. Homo ipsemet propriae felicitatis inimicus totis viribus se opponit cunctis molitionibus, quas Deus in ipsius solummodò bonum adhibet, cursumque sistit gratiarum, quas Deus in eum derivare desiderat. Unica S. Communio singulos nos reddere sanctos deberet: & nihilominus, quemnam finem tot Communiones sortiuntur? videntur sanè aliò non collimare, quàm ut nos ignaviores reddant, & imperfectiores. Unde:  
hæc

hæc confusio oritur? ex eo, quod tres præcipuè sanctissimo huic Mysterio ponamus obices, qui totidem adversantur consiliis, quæ Christus in S. Eucharistia se nobis dando, concepit. Primum Servatoris consilium est, dare, conservare, & augere vitam gratiæ; & huic nos opponimus accedendo ad divinum hoc Sacramentum cum affectu ad peccatum mortale.

II. Consilium secundum, quod Dei Filius se nobis in S. Eucharistia donando habuit, est, ut nos secum uniat: isti verò resistimus per affectus vel nimium inordinatos, vel nimium vehementes, vel nimium voluptuarios, quæ in creaturas ferimur. Modica subinde sunt, quæque nihili ducenda videntur; sed hoc ipsum nihil est id, quod omnia impedit, & aliquoties evertit consilia, quæ Deus concepit, animæ alicui sanctitatem conferendi. Ah! potestne parvi aestimari, potestne nihilum reputari, quod liberalitatis divinæ cursum inhibet, & perfectam illam impedit unionem, quam Christus nobiscum affectat? unionem, quæ summè admirabilis, summèque utilis, quin & certissimus bonæ Communionis effectus est? ab hac infelicitate eximium te credis, quod creaturis non immoderatè te addictum esse sentias.

rias.

Junius.

tias. Verum, an non nimium tibi met ipsi addictus es? Hoc solum satis est ad impediendum Communionum tuarum fructum. An non hoc est, quod Communiones tuas adeo frequentes tam inutiles, & forsan etiam nocivas reddit?

III. Tertium Servatoris consilium in SS. Eucharistiæ Mysterio est efficere, ut sibi vivamus, ea ratione, qua ipse Patri suo vivit, ita ut sicut Pater æternus principium & finis est omnium actionum ipsius, sic & Christus omnium nostrarum principium & finis sit, & proinde dicere cum ipso possimus: *Non possum ego à me facere quidquam.* Pater est, qui in me & per me agit, ego verò nihil, nisi pro ipso ago. Huic consilio ingens obstaculum ponimus, dum non nisi mundo, non nisi creaturis, non nisi nobis ipsis vivimus. qua ergo ratione simul etiam Christo vivere poterimus. *Quæ conventio Christi ad Belial?* Natura, & animi affectio potissimarum actionum nostrarum principium sunt. Commodum proprium voluptas, inanis gloria, respectus hominum earundem sunt finis.

Qui igitur spiritus Christi earum potest esse principium? quomodo eiusdem voluntas earum esse regula potest? quomodo ipsius gloria earum finis esse potest? an mirum

rum dein est, si tam exiguum fructum è tot Junius  
 Cõmunione capiamus? si loco profectûs  
 inde hauriendi, eas nobis funestas esse ad-  
 vertamus?

*Examina te, ut cognoscas, quodnam trium  
 horum obstaculorum Christi Consilii in Eucha-  
 ristia ponas: an non omnia tria ponis?*

Sicut misit me vivens Pater; & ego vi-  
 vo propter Patrem, & qui manducat me,  
 & ipse vivet propter me. *Ioan 6. v. 58.*

Habentem adhuc voluntatem peccan-  
 di, gravari magis dico, Eucharistiæ perce-  
 ptione, quàm purificari *Aug.*



## DIES VII. OCTAVÆ.

### De Præparatione ad S. Com- munionem.

#### I.

**M**Ajestas, & Sanctitas illius, qui in S.  
 Communionem ad nos venit, magni fi-  
 nes, ob quos venit, magna miracula,  
 quæ ad consilia sua implenda patrat; vili-  
 tas denique nostra, & indignitas nos obli-  
 gant, ut omnibus viribus contendamus,  
 nec quidquam intentatum relinquamus,  
 quò nos ad eum excipiendum paremus.

T

Si